

## Təkəŋwanə ŋga ləkələkətə ŋga Bulusə ka əŋji Teesaloonika

<sup>1</sup> Wiinə ləkələkətə ca dzə koonə, Ikəliisiya ŋga Teesaloonika, daci inə Bulusə da Silasə da Timooti. Agi nəhəpaanə niinə tuunə, əŋji ŋga Əntaŋfə Dəsənaamə da Slandanə Yeesu \*Aləmasiihu. Wa Əntaŋfə a dfa koonə pwapoonə, ca vii koonə ndzaanə jamə. \*

*Vii gooŋga ŋga əŋji Teesaloonika da ndzaanatii*

<sup>2</sup> Taa guci patə agi kuyiriinə niinə tə Əntaŋfə ka putə goonə patə, ina buurətə tuunə agi də'wa taa guci patə əsə. <sup>3</sup> Agi buurətənə niinə

tuunə makə sətə cuuna dzə aakəŋwa də slənə putə ŋga vii gooŋga goonə ka Yeesu Aləmasiihu Slandanaamə, da makə sətə cuuna ciŋə putə ŋga uufənə tə ci. Agi buurətənə niinə əsə makə sətə kəŋaanuunə ka gəranə tə ci, ina kavə tuunə aakəŋwacii Əntaŋfə Dəsənaamə.

<sup>4</sup> Ndzəkəŋushi'ina, kə shii inə, kə uu'i Əntaŋfə tuunə, kə ta'i ci tuunə koonə ndzaa ka ənjaakii əsə. <sup>5</sup> Acii, ma saa'itə jigunyiinə koonə Njunyi Habara, mandzaamə ci wata də ba ma tanə,

amma də ŋgeerənə da tsakənə ŋga Malaaba

---

\* **1:1** 1.1 Silasə: 2 Koor. 1.19; 2 Tees. 1.1; 1 Piita 5.12; Timooti: 1 Koor. 4.17; Teesaloonika: Slənə 17.1. **1:2** 1.2-3 2.13; Fil. 1.3; Kwal. 1.3; 2 Tees. 1.3; 2.13. **1:3** 1.3 5.1-2. **1:4** 1.4 2 Tees. 2.13,16.

Ma'yanə. Də ci kəŋaanə inə ka wabənə də goonŋaanə. Kə shii unə ndzaanə geenə saa'itə inə ahadoonə. Ma ndzaa inə ha'ə, ka puta goonə.

<sup>6</sup> Unə əsa, kə nyi'u unə dərəpə geenə da ŋga Slandana. Taa ŋgahi kə upaa cibə tuunə ka shaŋə, kə liwuunə wabənəkii də moodfasəka ŋga Malaaba Ma'yanə.

<sup>7</sup> Ha'ə ndzaa unə ka sə ŋga dzəgunənə ka ənji nə'unə patə anə hanyinə ŋga Makiduuniya da Akaya. <sup>8</sup> Dagoonə ma'ya wabənə agyanə Slandana. Əntaa wata agyanə hanyinə ŋga Makiduuniya da Akaya tanə, amma kə shii ənji vii goonŋa goonə ka Əntanŋfə taa dama patə. Acii ha'ə, pooshi nafa ŋga dfa wabənə ka ənji agyanəkii ma'ə.

<sup>9</sup> Acii agi dazənə nə tii də matii makə sətə liwuunə mu'umuunə geenə saa'itə giinə aa hoonə. Təya dazə də matii əsə makə sətə bwasee unə ka uuləminə, una zhi'wagi aabii Əntanŋfə Əndə vii əpinə, Əndə goonŋa, una gərə'u ka ci.

<sup>10</sup> Agi dazənə nə tii makə sətə cuuna gəra ənyanə ŋga Uzənaakii dadagyə, waatoo, Yeesu. Ma ca, kə madəe Əntanŋfə ka ci agi maməətə ənja, ca luupaa taamə acii mabətəsəkə ŋga Əntanŋfə ətə na shi aakəŋwa.

## 2

### *Slənə ŋga Bulusə də Teesaloonika*

<sup>1</sup> Ndzəkəŋushi'ina, kə shii unə də noonə nə oo'i, ma dzənə geenə aa hoonə, mandzaamə ka

---

**1:5** 1.5 1 Koor. 4.20. **1:6** 1.6 Slənə 17.5-9; 2 Koor. 6.10; 2 Tees. 3.7,9. **1:8** 1.8 Rooma 1.8. **1:9** 1.9 Yooh. 17.3; Slənə 14.15.

**1:10** 1.10 5.1-2,9; Rooma 5.9.

zaarənə zaβə. <sup>2</sup> Kə shii unə, kə cibee ənji keenə də Filipi, təya dzaanapaa tiinə taabu'u mbu'iinə aa hoonə. Amma, taa ngahi kə mwayi ənji tənpaanə tiinə ka shaŋə, patə da ha'ə dagi tsakənə nga Əntanfə gaamə kə waazii inə koonə Njunyi Habaraakii yadə ngwalənə.

<sup>3</sup> Ma waazanə geenə, əntaa jirakənə taa bwaya hiima. Madamiinə jarəwiinə agyanə ənji əsə.

<sup>4</sup> Amma kə yarədii Əntanfə tiinə, ca ba'avə waaza Njunyi Habara aacii inə; ha'ə wabiinə makə sətə ba'avə ci aacii inə əsə. Ma'aləmiinə kadeesəkənə geenə ka ənja, amma kadeesəkənə geenə ka Əntanfə. Acii ci shii ədzəmiinə.

<sup>5</sup> Kə shii unə, mawabəmiinə koonə mandikə ndikə wabənə, mawaazamiinə koonə Njunyi Habara əsə keena shii upaa də uushi acii unə. Əntanfə nə seedanə tiinə. <sup>6</sup> Ma'aləmiinə dələnə nga ənji diinə, taa acii unə, taa acii hara ənji pamə.

<sup>7</sup> Makə dīi ci masləkee ənji nga Aləmasiihu niinə, kadə kə baarii inə koonə gawuunə geenə. Amma madamiinə ha'ə. Kə ndzaa inə da haŋkala ahadoonə, makə sətə ci mənə a ndzaanə ahada manjeevənatə.

<sup>8</sup> Kə uu'iinə tuunə laŋə. Matasəkakii niinə, əntaa wata ka waaza koonə Njunyi Habara nga Əntanfə tanə, amma ka vəgi əpinə geenə ka putə goonə. Laŋə uu'iinə tuunə dərəva.

<sup>9</sup> Ndzəkəŋushi'ina, agi buurətənə nuunə cibə geenə agi mandalə sləna. Ma saa'itə waazii

---

**2:1** 2.1 1.5,9. **2:2** 2.2 Slənə 16.19-24; 17.1-9. **2:3** 2.3 2 Koor. 4.2. **2:4** 2.4 Irim. 11.20; 1 Tim. 1.11; Gal. 1.10; Af. 3.2. **2:5** 2.5 2.10; Slənə 20.33; 2 Koor. 1.23. **2:6** 2.6 Yooh. 5.41,44.

inə koonə Nynyi Habara, kə slənyiinə vəfə da uusera keena upaa də zəma aa meenə, acii geena ndzaa ka tərənə agyanə taa wu ahadoonə.

<sup>10</sup> Kə nee unə də ginuunə. Əntanfə nə seedanə tiinə əsə oo'i, ha'ə njiinə ahadoonə, unə ənji nə'unə: makətsə ənji njiinə, ənji slənə uushi də rəgwakii njiinə. Mashimə ənjə a idəpaa bwaya uushi ashiinə. <sup>11</sup> Acii kə shii unə, kə slənyiinə koonə də rəŋwə rəŋwə patə, makə sətə ci dənə a slənə ka manjeevənaakii.

<sup>12</sup> Waatoo, kə ndzaa inə ka vii koonə ŋgeerənə, ina banee ka ədzəmuunə, ina dzəkwtə koonə əsə koonə slənə sətə kadeesəkə ka Əntanfə. Ci 'wii tuunə koonə ndzaanə agi ŋwanjuunaakii, una shii dʉunuunaakii.

<sup>13</sup> Agi kuyiriinə niinə tə Əntanfə aanəkii aanəkii. Acii, ma saa'itə waazii inə koonə wabənaakii, maluumuunə makə wabənə ŋga əndə saakii, amma, makə sətə ci ənjə a luu wabənə ŋga Əntanfə liwuunə; ndilə ndilə wabənaakii liwuunə. Wabənəkii ca slənə asəkə ədzəmuunə əsə, unə ənji nə'unə.

<sup>14</sup> Ndzəkəŋushi'ina, ma sətə kulii agyanə Ikəliisiyanyinə ŋga Əntanfə anə hanyinə ŋga Yahudiya, waatoo agyanə ənji nə'unə tə Yeesu Aləmasiihu, tsarəkii kulii agyanuunə əsə. Acii kə sii unə ŋgəra'wə acii ənji goonə makə sətə sii tii ŋgəra'wə acii slikərənətii Yahudiinə əsə.

<sup>15</sup> Tii bələgi tə Yeesu Slandana da anabiinə, təya lyakagi tiinə, təya biipaa səkə ka Əntanfə, kə

---

**2:9** 2.9 2 Tees. 3.7-9; Slənə 18.3.    **2:10** 2.10 2.5.    **2:11** 2.11  
Slənə 20.31.    **2:12** 2.12 4.1; Rooma 5.2; Fil. 1.27.    **2:13** 2.13  
1.2-3; Gal. 1.11-12.    **2:14** 2.14 Slənə 17.5.

ndzaa tii ka ənji mbəzə nga ənji patə. <sup>16</sup> Agi cijənə nə tii ka tənəginə tiinə acii geena waazii wabənə nga Əntanfə ka hara slikərənə kaa təya upaa luupaanə. Də ha'ə uudəgi tii ashī slənə 'waslyakənatii. Amma tə'i mandalə gəjwanə nga Əntanfə anətii.

*Moone nga Bulusə tə dzənə ka tsaamətənə tə ənji Teesaloonika*

<sup>17</sup> Ndzəkəjushi'ina, kə təkəgyaamə nga magusə saa'i. Maneemaamə ka naamə na. Amma ka hakii naamə asəkə ədzəmaamə. Kə kəshi madəfənə tiinə lanə nga neenə koonə. Acii kii ndzaa inə ka alə rəgwa nga ənənə ka caamatənə tuunə. <sup>18</sup> Kə mwayi inə ənənə aa hoonə. Nyi Bulusə, kə ali nyi rəgwakii ka pu'u ka pu'u, amma kə tənəgi \*Seetanə tiinə. <sup>19</sup> Ma tanya, unə ndzaa ka sə nga vii keenə ngeerənə da moodasəka, unə ndzaa ka sə nga yidə geenə saa'itə nə Yeesu Slandanə a ənya. <sup>20</sup> Ha'ə tanyi, unə nə məghərəvənə geenə, unə nə moodasəkə geenə əsə.

### 3

<sup>1</sup> Acii ha'ə, makə mambeemiinə ka sə'watənə ma'ə, wata ina anətə wabənə geenə ka ma rənəwə, ina ndzaa inə daaniinə də Ateena. <sup>2</sup> Ina sləkee koonə ka ndzəkəjushi'inaamə Timooti. Ma ca, əndə slənə nga Əntanfə nə ci, agi slənənə nə ci deenə agi waaza Njunyi Habara

---

**2:15** 2.15 Slənə 2.23; 9.23,29; 13.45,50; 14.2,5,19; 17.5,13; Rooma 11.28; 2 Koor. 11.23-29. **2:16** 2.16 Mat. 23.31-33. **2:17** 2.17 3.10. **2:19** 2.19-20 1 Koor. 9.24-25; Fil. 4.1; 2 Tees. 1.4. **3:1** 3.1 Slənə 17.15.

nga Aləmasiihu. Ma sləkee inə ka ci, kaa ca dzə ka tsakə koonə ngeerənə, ca tsakə kəjee koonə ka rəgwa agi vii goonğa goonə, \* <sup>3</sup> acii ga taa rəŋwə agyuunə a ənyi aa ba'a putə nga nğəra'utsə cuuna sa. Kə shii unə də noonə nə oo'i, taa wu patə ca slənə ka Əntanƒə, ka sanə nə ci nğəra'wa. <sup>4</sup> Ndilə ndilə ma amə ma'ə ka hakii, kə njiinə a ba koonə oo'i, kadə naama sa nğəra'wa. Kə nee unə, kə dīi ha'ə weewee tanyi.

<sup>5</sup> Yoo, makə mambeemə nyi ka sə'watənə, ci nee unə sləkee nyi ka Timooti aabii unə, kaa ca caamatə taa iitə cuuna dzə aakəŋwa də vii goonğa goonə. Mabaamə ma'yanəki. Ma nə nyi ka nəhənə, mbu'u kə upaa Seetanə kulapaanə duunə; slənə geenə əsə, ca ndzaa ka uushi zabə ahadoonə.

<sup>6</sup> Amma kə ənya Timooti əndzə'i, kə kira ci keenə nɔnyɔi habara agyanə vii goonğa goonə da uudəshinə goonə. Kə bii ci keenə makə sətə cuuna buurətə tiinə taa guci patə, kə kəshi madəfənə nga nee ka giniinə tuunə makə sətə kəshi tiinə əsə.

<sup>7</sup> Acii ha'ə, ndzəkəŋushi'ina, taa dāgi cibə da nğəra'ukii ha'ə, kə upaa inə ngeerənə putə nga vii goonğa goonə.

<sup>8</sup> Manə ha'ə diya, makə kə shii inə kə kəŋaanuunə ndihə ndihə ləbə da Slandana, kə baa ma'yaniinə ha'ə. <sup>9</sup> Yoo, ka mbeenə niinə ka kuyiriinə tə Əntanƒə gaamə koonə ka shaŋə. Agi kuyiriinə niinə tə ci nga moodfasəkənə dīi

---

\* **3:2** 3.2 Timooti: 1.1. **3:3** 3.3 Af. 3.13; 2 Tees. 1.4; 2 Tim. 3.12. **3:4** 3.4 Slənə 14.22. **3:5** 3.5 Fil. 2.16. **3:6** 3.6 Slənə 18.5; 2 Tees. 1.3; 1 Tim. 1.5; Filim. 5-7; Gal. 5.6. **3:7** 3.7 2 Tees. 1.4.

inə puta goonə. <sup>10</sup> Vəðə da uusəra niinə ka ɸa də'wa, pooshi əpisəka, kaa Əntanɸə a ənə ka wunəgi keenə rəgwa ŋga neenə koonə ginə da ginə, keena dzəgunə koonə sətə mbəɸaanə agi vii goonɸa goonə, una shii ŋga'ə.

<sup>11</sup> Wa Əntanɸə Dəsənaamə də naakii nə da Slandanaamə Yeesu a wunəgi keenə rəgwa, keena dzə aabii unə. <sup>12</sup> Wa Slandanə a tsakə koonə uudəshinə da uudə hara ənji aakəŋwə aakəŋwa. Wa uudənəkii a ndzaanə makə tsarə uudəətə uu'iinə tuunə. <sup>13</sup> Də ha'ə nə uudənəkii a tsakə vii koonə ŋgeerənə a ədzəmuunə, acii goona ndzaa ka sə ŋga idəpaanə, amma koonə ndzaa malaabakii akəŋwacii Əntanɸə Dəsənaamə saa'itə nə Yeesu Slandanə a shi da malaaba ənjaakii patə.

## 4

### *Ndzaanə makə sətə kadeesəkə ka Əntanɸə*

<sup>1</sup> Wiinə səndə ciina uudəpaagi koonə dīi, ndzəkəŋushi'inə: kə jigunyiinə koonə makə sətə ci ənji nə'unə a ndzaanə, təya kadeesəkə ka Əntanɸə. Agi nə'utənə nuunə ha'ə əsə. Yoo, agi kədiinə niinə acii unə də dza ciinə də ləmə ŋga Yeesu Slandana, koonə tsakə dzəginə aakəŋwa aakəŋwa. <sup>2</sup> Ma sətə jigunyiinə koonə də baawəɸa ŋga Yeesu Slandanə, kə shii unə patə. <sup>3</sup> Ma mwayi Əntanɸə, a ndzaa unə malaabakii, goona aləhiinə. <sup>4</sup> Taa wu patə agyuunə, wa ca gwaləgi shishinəkii, ca ndzaa malaabakii, da

---

**3:10** 3.10 2.17.    **3:12** 3.12 Gal. 6.10.    **3:13** 3.13 5.1-2; Fil. 1.10.    **4:1** 4.1 2.13; Kwal. 1.10; 2 Tees. 3.6.    **4:3** 4.3 5.23; 1 Koor. 6.13; Ibər. 10.10.

ayinaakii əsə, <sup>5</sup> ga ca kəsə minaakii də gi suuna makə nga ənjitə mashiimə tə Əntanƣə. <sup>6</sup> Ga əndə a bəzee ka səkə nga ndzəkəŋuci agi haalatse bii inə koonə patə. Kə dzəkwatiinə koonə banə oo'i, kadə nə gəŋwanə nga Əntanƣə a kula aanə ənji slənə tsarə uushi'iitsa. <sup>7</sup> Acii ma'wamə Əntanƣə taamə kaama ndzaanə ma'ajijinəkii, amma kaama ndzaanə malaabakii akəŋwaciikii.

<sup>8</sup> Taa wu kaaree ka dzəgunətsa, əntaa wabənə nga əndə kaaree ci, amma nga Əntanƣə. Ci ca vii koonə Malaabə Ma'yanaakii.

<sup>9</sup> Ma agyanə uudə ndzəkəŋushi'inə, pooshi dibə ina ənə ka naahənə koonə agyanəkii, acii unə də noonə na, kə dzəgunəgi Əntanƣə koonə makə sətə cuuna uudəshi. <sup>10</sup> Tanyi, agi uudənə nuunə ndzəkəŋushi'inə anə hanyinə nga Makiduuniya patə. Dəŋə əndzə'i waniinə agi banə koonə, tsakəmə dzəginə aakəŋwə aakəŋwa də uudənəkii. <sup>11</sup> Dəmə gazhi'waanə nga ndzaanə nga'ə ahadoonə, goona səkəpaanə ka kaala moonə aagi uushi'inə nga ənja, amma slənəmə noonə sləna koona upaa zəma aa moonə, makə sətə bii inə koonə. <sup>12</sup> Madə kə nə'utuunə ha'ə, ka danə nə ndzaanə goonə nga'ə ka ənjitə ca tsaamə tuunə, pooshi una ka ndzaanə ka tərənə anə taa wu patə əsə.

### *Shinə nga Slandana*

---

**4:7** 4.7 4.3; 1 Piita 1.15-16. **4:8** 4.8 1 Koor. 6.19-20. **4:9** 4.9 Irim. 31.33-34; Gal. 6.10; Af. 5.2. **4:10** 4.10 2 Tees. 3.4. **4:11** 4.11 2.9; Af. 4.28; 2 Tees. 3.10,12. **4:12** 4.12 1 Koor. 5.12-13; Kwal. 4.5.



<sup>13</sup> Ndzəkəŋushi'ina, kə mwayi inə una shii sətə slənyi tə ənjitə mətəgi, acii goona ndzaa ka mabətəsəka, makə ŋga ənjitə makamə nə ka upaa əpinə daba'a əntənə. <sup>14</sup> Kə vii amə gooŋga oo'i, kə əŋki Yeesu, kə ma'i ci agi maməətə ənji əsə. Aciikii kə shii amə weewee, ma ənji vii gooŋga ka Yeesu ətə mətəgi, ka madeenə nə Əntaŋfə ka tii, ca fədə tə tii, təya ndzaa ka hakii da Yeesu.

<sup>15</sup> Ma ka wabənə ŋga Slandana, waniinə ca ba koonə: ma saa'itə ənyanəkii, maa amə ma'ə ka əpinə, paa amə na takəŋwa ka madənə ka maməətə ənja.

<sup>16</sup> Ma uusərakii, kadə kapaanə nə Əntaŋfə rəgwa, wata gawə ŋga malaa'ikanyinə a wazə, ənjə a fa muunə ŋga uutəma ŋga Əntaŋfə. Wata Slandanə ci saakii a jiga dadagyə. Ma ənjitə vii ka ci gooŋga ətə mətəgi, tii na takəŋwa ka madənə.

<sup>17</sup> Ma daba'əkii, ma amə ənə ca əpi ma'ə, Əntaŋfə a fədətə taamə da tii dagi kurabiinə, ama guŋə da Slandanə asəkəntaŋfə. Ha'ə ndzaanaamə da Slandanə ka ca'ə ndəŋwə ndəŋwə. <sup>18</sup> Makə dii ha'ə, ŋgərəmə wabəətsa, wabəgimə ahadoonə kaa ca vii koonə ŋgeerənə, una ndzaa də mabanee ma'yanə.

## 5

<sup>1</sup> Ndzəkəŋushi'ina, ma agyanə saa'i da uusəra ŋga mbu'yanə ŋga uushi'iitsa, pooshi nafa ŋga

---

**4:13** 4.13-17 5.1-2; 1 Koor. 15.51-52. **4:13** 4.13 1 Koor. 15.18-19; Af. 2.12. **4:14** 4.14 Rooma 14.9; 1 Koor. 15.3-4,12,20. **4:15** 4.15 1 Koor. 7.10,25. **4:16** 4.16 1 Koor. 15.23. **4:17** 4.17 Yooh. 12.26; Rooma 5.17; Fil. 3.20.

ənənə ka naahənə koonə agyanəkii ma'ə. <sup>2</sup> Acii unə də noonə nə, kə shii unə, habəsə nə uusəra nga Slandanə a shi, makə sətə ci mahərə a shi davəðə. \* <sup>3</sup> Ma saa'ita, ənjə a ba, "Jamə nə vəranə taa dama patə, pooshi uushi ca uree kaamə". Saa'ikii nə zanə a kulyaanə ka tii həma'ə makə sətə ci bərakənə a shi ka mitə dəsəka. Pooshi ha nga huyinə.

<sup>4</sup> Ma unə, ndzəkəŋushi'inə, əntaa təku təkunə nuunə agi haalakii, kaa uusərakii a shi ka lapaanə tuunə habəsə makə mahəra. <sup>5</sup> Unə patə, ənji nga bərənə da uusəra nuunə. Əntaa ənji nga vəðə da təkunə naamə. <sup>6</sup> Acii ha'ə, gaama tsəfə ŋunyinə makə nga hara ənja. Amma ndzaamə ryahu ryahu də məgigi, ama ndzaa ka matsə ənja. <sup>7</sup> Acii, ma ənjitə ca tsəfə ŋunyinə, davəðə ci təya tsəfə. Ma ənjitə ci ənvwə a ka tə tii anətii əsə, davəðə ca ka tə tii. <sup>8</sup> Amma, makə ənji nga bərənə naamə, ndzaa amə matsəkii. A dzaamə aakəŋwa də vii gooŋga da uudəshinə. Maa kə dīi amə ha'ə, ka ndzaanə nə ci makə sətə ci əndə a ŋgavə kəjeerə tibisa ka dzəginə ka panə, acii ga ava a upaa tə ci. Kaamə nə ka luupaanə nga əntaŋfə taamə. Maa kə dīi amə ha'ə əsə, ka ndzaanə nə ci makə sətə ci əndə a ŋgavə dara ila. <sup>9</sup> Ma'wamə əntaŋfə taamə ka bəzə kaamə səka, ca zamagi daamə, amma kə 'wii ci taamə kaama upaa luupaanə

---

\* **5:2** 5.2 1.2-3,10; 2.19; 3.13; 5.23; Mat. 24.36; Fil. 4.5; 2 Tees. 1.7,10; 2.1-2; habəsə makə mahərə: Mat. 24.43; 2 Piita 3.10; Səniinə 3.3; 16.15. **5:3** 5.3 Irim. 6.14-15; Mat. 24.39. **5:5** 5.5-8 Rooma 13.11-12; Af. 5.8-9. **5:8** 5.8 Af. 6.11-17.

dacii Slandanaamə Yeesu Aləmasiihu. <sup>10</sup> Ma ca, kə əŋki ci ka putə gaamə, kaama shii ndzaanə da ci. Taa amə ma'ə da i əpinə, taa amə kə məətəgi, maa kə shi ci, ka ndzaanə naamə da ci.

<sup>11</sup> Acii ha'ə, dzəmə də viishi ŋgeerənə ahadoonə də wabəətsa, una dzə də tsakəshinə makə sətə cuuna slənə əndzə'i.

### *Muudinə ŋga wabənə*

<sup>12</sup> Ndzəkəŋushi'ina, agi kədiinə niinə acii unə koonə vii ɔunuunə ka ənjitə ca slənə ahadoonə, waatoo matakəŋwanyinə goonə, acii kə kapaa Slandanə tə tii ka takəŋwanə koonə da dzəgunə koonə wabənaakii. <sup>13</sup> Gadeemə ka tii, una uudə tə tii laŋə putə ŋga slənətii ahadoonə. Ndzaamə ŋga'ə ahadoonə əsə.

<sup>14</sup> Ndzəkəŋushi'ina, agi banə niinə koonə əsə: wabəmə ka manya'inə, wa təya slənə. Baneemə ka ma'yanə ŋga ənji mabuureə na, una tsakə tə matə ŋgeerənə, una sə'watə ndzaanə da ənji patə. <sup>15</sup> Damə haŋkala acii maɔa ɔii əndə ka əndə bwaya bwayaanə, ga ca ənəpaagi ka ci də bwaya bwayaanə. Amma, wa ca ndzaa ka slənə goonə taa guci patə nə ɔa ŋga'aanə ahadoonə da ka ənji patə. <sup>16</sup> Ndzaamə ka moodasəkə taa guci patə. <sup>17</sup> Dzəmə aakəŋwa də ɔa də'wa ka Əntaŋfə yadə əpisəka. <sup>18</sup> Taa agi mi patə, kuyiriimə tə ci. Acii tsarəkii nə ci ka moonə acii unə, unə ənə libə da Yeesu Aləmasiihu.

---

**5:9** 5.9 1.10; 2 Tees. 2.14. **5:10** 5.10 4.14; Rooma 14.8-9. **5:12** 5.12 1 Koor. 16.15-18; 1 Tim. 5.17. **5:14** 5.14 2 Tees. 3.6,11,15. **5:15** 5.15 Rooma 12.17; Fil. 1.10. **5:16** 5.16 Fil. 4.4. **5:17** 5.17 5.25; Luka 18.1; Rooma 12.12; Af. 6.18; Kwal. 4.2. **5:18** 5.18 Af. 5.19-20.

<sup>19</sup> Goona tənagi slənə nga Malaaba Ma'yanə.

<sup>20</sup> Goona bərapaa wabənə nga ənjitə ci Əntanƒə a wabə da matii. <sup>21</sup> Təkətəmə taa ngutə uushi patə, una kəsətə nɔnyikii tənə tənə. <sup>22</sup> Taa tsarə nga ngutə bwaya bwayaanə patə, una bwasee əsə.

<sup>23</sup> Ma Əntanƒə Əndə vii ndzaanə jamə, wa ca laabagi tuunə camə, ci saakii. Wa ca kapaa əpinə goonə da shishinuunə jamə, una ndzaa yadə idəpaa uushi ashuunə ca'ə uusəratə nə Slandanə Yeesu Aləmasiihu a ənya. <sup>24</sup> Ma Əntanƒə ətə 'wii tuunə, ka slənənə nə ci ha'ə makə ətsa, acii əndə nə'utə aləkawalə nə ci.

<sup>25</sup> Kədiimə acii Əntanƒə ka putə geenə dɔi ndzəkənushi'inə. <sup>26</sup> Nəhəpaamə pu'u pu'u tə patənə nga ənji nə'unə. <sup>27</sup> Kə ləbətə nyi duunə da Slandana koona janƒgatə ləkələkətənə ka patənə nga ənji nə'unə.

<sup>28</sup> Wa Slandanaamə Yeesu Aləmasiihu a ɔa koonə pwapooaakii, ca ndzaanə doonə.

---

**5:19** 5.19 Af. 4.30. **5:21** 5.21 1 Koor. 14.29; Af. 5.10; 1 Yooh. 4.1. **5:23** 5.23 5.1-2; 2 Koor. 13.11. **5:24** 5.24 1 Koor. 1.8-9; Fil. 1.6; 2 Tees. 3.3. **5:25** 5.25 1.2-3; Rooma 15.30. **5:26** 5.26 Rooma 16.16. **5:27** 5.27 Kwal. 4.16.

**Kura Aləkawalə ɲga Əntaɲfə**  
**Gude: Kura Aləkawalə ɲga Əntaɲfə New Testament**

copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

56396c70-45d3-5118-be46-8c4c3fec34f1